

BOSNA I HERCEGOVINA
FEDERACIJA BOSNE I HERCEGOVINE
GRAD LUKAVAC
GRADONAČELNIK
SLUŽBA ZA INVESTICIJE I RAZVOJ

Broj: 06-04-887/25

Lukavac, 06.05.2025. godine

Na osnovu člana 64. stav (1). tačka a), člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14, 59/22 i 50/24) i Preporuke Komisije za provođenje postupka javne nabavke broj: 06-04-887/25 od 05.05.2025. godine u otvorenom postupku nabavke radova ZAMJENA POSTOJEĆIH RASVJETNIH TIJELA LED SIJALICAMA U MZ ŠIKULJE, TURIJA, PROKOSOVIĆI I DEVETAK, Pomoćnik Gradonačelnika Službe za investicije i razvoj d o n o s i

ODLUKU
o izboru najpovoljnijeg ponuđača

Član 1.

Prihvata se preporuka Komisije za provođenje postupka javne nabavke broj: 06-04-887/25 od 05.05.2025. godine i Ugovor za nabavku radova ZAMJENA POSTOJEĆIH RASVJETNIH TIJELA LED SIJALICAMA U MZ ŠIKULJE, TURIJA, PROKOSOVIĆI I DEVETAK, dodjeljuje ponuđaču KOP I KO D.O.O. ŽIVINICE, koji je dostavio ponudu broj: KPK-28/25 od 22.04.2025. godine, za ponuđenu cijenu u iznosu od 21.868,00 KM bez PDV-a i rokom plaćanja od 60 dana od dana prijema fakture.

Član 2.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 06-02-869/25 od 31.03.2025. godine. Javna nabavka sprovedena je u otvorenom postupku. Procjenjena vrijednost javne nabavke bez PDV-a je 43.100,00 KM.

Obavještenje o nabavci broj: 719-1-3-17-3-41/25 objavljeno je na Portalu javnih nabavki dana 01.04.2025. godine.

Komisija za provođenje postupka javne nabavke imenovana Rješenjem o imenovanju Komisije broj: 02-04-985/25 od 08.04.2025. godine, dostavila je Pomoćniku Gradonačelnika: Zapisnik o pregledu i ocjeni ponuda broj: 06-04-887/25 od 05.05.2025. godine, Preporuku o izboru najpovoljnijeg ponuđača broj: 06-04-887/25 od 05.05.2025. godine i Izvještaj o radu broj: 06-04-887/25 od 05.05.2025. godine.

U postupku po Izvještaju o radu Komisije utvrđeno je da je Komisija za provođenje postupka javne nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku blagovremeno zaprimljeno 8 (osam) ponuda;
- da nije bilo neblagovremeno zaprimljenih ponuda;

- da su ponude ponuđača SAŠA TRADE D.O.O. DOBOJ, TESLALUKS D.O.O. SARAJEVO, KOP I KO D.O.O. ŽIVINICE, NEXEN D.O.O. BANJA LUKA, ELVIK D.O.O. SREBRENİK i RIMENERG D.O.O. BANOVIĆI kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.
- da su ponude ponuđača ERING D.O.O. ŽIVINICE i ELEKTRO TEHNIX D.O.O. LUKAVAC nepotpune i neprihvatljive i da iste ne ispunjavaju sve zahtjeve u pogledu predmeta nabavke i tehničkih specifikacija.

Komisija je uvidom u Ponudu ponuđača ERING D.O.O. ŽIVINICE utvrdila da ista ne ispunjava sve zahtjeve tražene tenderskom dokumentacijom. Naime, ponuđač je u sklopu svoje Ponude na strani 23. dostavio Važeći CE certifikat ili ekvivalentni certifikat koji je izdat od strane proizvođača i usklađen sa BAS EN IEC 62722-2-1 (PD EPRS:003), ali na engleskom jeziku, a tačkom 13.3.3. Tenderske dokumentacije je navedeno: „...Ukoliko su traženi dokazi iz tačke 13.3.2. b) do d) na nekom stranom jeziku potrebno je, uz iste, priložiti i original ili ovjerenu fotokopiju prevoda od strane sudskog tumača za jezik sa kojeg je prevod izvršen.“. Takođe tačkom 22. Tenderske dokumentacije - Jezik i pismo ponude je navedeno: „Ponuda se dostavlja na jednom od službenih jezika u Bosni i Hercegovini, na latiničnom ili ćirilicičnom pismu. Sva ostala dokumentacija uz ponudu mora biti na jednom od službenih jezika u Bosni i Hercegovini. Izuzetno dio prpratne dokumentacije (katalozi, brošure, i sl.) može biti i na drugom jeziku, ali u tom slučaju obavezno prilaže i prevod ovlaštenog sudskog tumača za jezik sa kojeg je prevod izvršen.“, te je komisija imajući u vidu sve naprijed navedeno, primjenom člana 68. stav 4. tačka i) Zakona ponudu Ponuđača ERING D.O.O. ŽIVINICE odbacila.

Komisija za provođenje postupka nabavke je uvidom u Ponudu ponuđača ELEKTRO TEHNIX D.O.O. LUKAVAC utvrdila da ista ne ispunjava sve zahtjeve tražene tenderskom dokumentacijom. Naime, ponuđač je u sklopu svoje Ponude dostavio Tehnički list sa kataloškim podacima, iz kojeg se može utvrditi da ponuđene svjetiljke iz Obrasca za cijenu ponude, strana Ponude 29-34. i 35-40. ne ispunjavaju tražene tehničke karakteristike, tačnije:

1. Svetiljka br. 1: Minimalni izlazni svjetlosni tok svjetiljke – traženo je 7.160 lm, a u Ponudi Ponuđača na strani 36. stoji 7020lm, dalje Efikasnost svjetiljke treba biti najmanje 136lm/W, a u ponudi Ponuđača na strani 36. stoji 135 lm/W.

2. Svetiljka br.2: Minimalni izlazni svjetlosni tok svjetiljke – traženo je 4.805 lm a u Ponudi Ponuđača na strani 30. stoji 4050lm.

Takođe, Ponuđač ELEKTRO TEHNIX D.O.O. LUKAVAC nije dostavio:

1. Važeći CE certifikat ili ekvivalentni certifikat koji je izdat od strane proizvođača i usklađen sa BAS EN 62722-2-1 (PD EPRS:003) ili ekvivalent

2. Važeći CE certifikat ili ekvivalentni certifikat koji je izdat od strane proizvođača i usklađen sa BAS EN 62471 ili ekvivalent

a koji su traženi tačkom 13.3.2. b) Tenderske dokumentacije, te je komisija imajući u vidu sve naprijed navedeno, primjenom člana 68. stav 4. tačka i) Zakona i ponudu Ponuđača ELEKTRO TEHNIX D.O.O. LUKAVAC odbacila.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 43.100,00 KM i da je kriterij za dodjelu ugovora ekonomski najpovoljnija ponuda u skladu sa sljedećim potkriterijima:

- a) Cijena 98 %
- b) Rok plaćanja 2 %

Ponuđač KOP I KO D.O.O. ŽIVINICE dostavio je prihvatljivu ponudu sa cijenom u iznosu od 21.868,00 KM bez PDV-a i rokom plaćanja 60 (šezdeset) dana od dana prijema fakture, te je primjenom kriterija ekonomski najpovoljnije ponude isti osvojio 100,00 bodova.

Zbog naprijed navedenog odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalitelj je obavezan dostaviti original dokaz o plaćenju naknadi za pokretanje žalbenog postupka, ovjeren od strane banke, sa pozivom na broj protokola tenderske dokumentacije na koju se izjavljuje žalba.

Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Grad Lukavac, Služba za investicije i razvoj, Trg Slobode 1, 75300 Lukavac, a izjavljuje se Uredu za razmatranje žalbi u Sarajevu. Žalba se podnosi u najmanje 3 (tri) primjerka.

Dostaviti:

1. SAŠA TRADE D.O.O. DOBOJ
2. TESLALUKS D.O.O. SARAJEVO
3. KOP I KO D.O.O. ŽIVINICE
4. NEXEN D.O.O. BANJA LUKA
5. ELVIK D.O.O. SREBRENİK
6. RIMENERG D.O.O. BANOVIĆI
7. ERING D.O.O. ŽIVINICE
8. ELEKTRO TEHNIX D.O.O. LUKAVAC
9. Arhivi

